



Passional Christi und
Antichristi.

26 Willar

26 Willar

14.
Passional Christi vnd



Christus.

Do Ihesus innen wardt/das sie kommen wurden vnd yhnen
zum König machen/ist er abermals vffm bergt geflohen/er als
lein. Johan. 6. Mein reich ist nicht vß diser welt. Joh. 18. Die
Königige der welt hirschen yr/vnnd die gewalde haben/ werden
gredige hern genandt/yr aber nicht also/sonder der do grosser
ist vnser euch/sall sich nydern/als der weniger. Luce. 22.

Antichristi.



Antichristus.

Laß obir kayt die wir sonder zweiffell zum keyser thub haben/
vnd auß vnser gewalt/ seynt wir des keyserthumbs/ so sich das
vorledigt/ ein rechter erbe. *cl. pastoralis ad fi. de sen. et re. iudic.*
Sūma summarū. Nichts anders ist in des Papsis geystlichē
rechte zu finden/ dan das es seynen abgot vnd Antichrist vbir
alle keyser/ kōnig vñ fursten yrhebet/ als Petrus voigesagt hat.
Es werden kōmen vnuorschambe Bischoff die die wellich
herschafft werden vorachten. *z. Pet. z.*

Passional Christi und



Christus.

Die soldner haben geflochten eyne kronen von dörnen / vñ auff
sein heubt gedreht / darnach mit eynem purper kleydt haben sie
yn bekleydet

Johan. 19.

Antichristi.



Antichristus.

Der Keyser Constantinus hat vns die keyserlich krone/ gerübe
allen andern geschmuck in massen wie yhn d' keyser tregt / pur-
per cleyt alle andere cleyder vñ scepter zutragen vñ zubruchen
geben. c. Constantinus. c. vi. dis. Solche lügen haben sie yre ey-
ranney zu erhalten ertichte wyder alle histouien vñ künstschaffe
dan es ist nie brauchlich gewesen den Römischen Keysern ein
solche krone zutragen.

Passional Christi und



Christus.

Szo ich ewre fueße habe gewaschen ð ich ewir herz vñ meyster
bin/vill mehr solt yr einander vnter euch die fueße waschen. Siez
mit habe ich euch ein angeyung vñ beyspiel geben/ wie ich ym
than habe / also solt yr hinfur auch thuen. Warlich warlich
sage ich euch/ð knecht ist nicht mehr dan seyn herre/ so ist auch
nicht ð geschickte botte mehr dā ð yn gesandt hat. Wist yr das!
Selig seyt yr so yr das thuen werdent. Johan. 13.

Antichristi.



Antichristus.

Der Bapst mast sich an iglichen Tyrannen vnd heydnischen
fürsten/ so yre sueß den leuten zu küssen dar gereicht / nach zu/
volgen/damit es waer werde das geschriben ist. Wilcher dieser
bestien bilde nicht anbettet/ soll getödt werden. Apocalip. 13.
Diz küssens darff sich der Bapst yn seynē decretalen vnuord/
schembt rümen. c. cū olī de pu. clc. Si summus pon. de sen. exco.

Passional Christi vnd



Christus.

Gehe hyn zum mehr/ vñ laß yn dynen hamen/ dem ersten fisch
der sich vff wirffte/ thuedas manel auff/ doinnen wirstu finde
einen gulden/ den gib zu zoll vor mich vnd dich. Math. 17
Gebt der obirkeyt die das schwerdt in yren henden hat seyne ge
büre/ den zins/ wem der zins zustehet/ den zoll dez er gebürdt.
Paul. ad Roma. 13.

Antichristi.



Wir setzen vnd ordnen das den mit nicht gezimten fall so den weltlichen gerichtz zwängt habē stewart vñ schoß dē geystlichen personen vffzuliegen ader den zu fordern von yren hewsern vñ allen andern guttern bey der puß des schweren bans vnd interdictis / des gleychen sollen die geystlichen diese alle nicht zalen sonder vnser erleubnis .c. i. de imunit. eccle. li. vi. Also hat der Babst gots gebot durch seyne gebott zurissen / welche seyner vnehusflichen decretal eynigs werck ist.

Passional Christi und



Christus.

Christus aber wol yn der gotlichen form war/ dennoch hat er sich des gewert sich genydere vñ geberdet wie ein Knecht gleich den andern menschen an zusehen vnd befunden ein mensch der sich gedemütiget hatt / vñnd ist gehorsam gewesen bis in den todt. Philippenses. 2o

Antichristi.



Antichristus.

Der Papst meynt es sey seynen ehren zu nahe das er sich demü-
tigel / dan der sich zu fast demütiget gedeyet yhm yn dem regi-
ment zuuorachtung. c. quando 86. dist.

Also sagt die glosa / das ist waer bey den narren / das ist so vill
man muß gestreng vbir die dentschen narren regiren / so halten
sie veil von vns.

Passional Christi vnd



Christus.

Als Ihesus ist eyn weyeten wegt gangen / ist er müd worden.
Johan. 4. Der mir will nach folgen / der nem seyn Creutz vff
sich vnd folge mir. Matthei 16.
Er hat ym seyn Creuze selbst getragen vnd ist zu der stell die
Caluarie genant wurd / gangen. 19.

Antichristi.



Antichristus.

Das capittel Si quis suadente vñ der gleychen bezgt genug an wie gerne der Papst das Creutz der wyderwertigkeyt duldet/ so er alle die ihenen/ die handt an die pffaffen an legē vormaladeyee vñ dem teuffel gibet Vnd also ouch treget der Papst das Creutz das ynnen getauffte Chyften vff yren achffelen tragen müssen.

Passional Christi und



Christus:

Ich muß auch andern steten predigen das reych gots/dan ich
von des wegen gesandt byn / vnd hab gepredigt in den Sines
gogen durch Galileam Luce. 4.

Antichristi.



Es geschicht offte das die Bischoff mit vielen hendlen beladen
seynd / vnd von wegen yrer sbeden / auch gun tzyetten konnen sie
nit / das dan nit seyn soll / mögen des predigens nit gewarten /
sonderlich wan yre bistumb groß seint / dann mögen sie andere
vor sich bestellen / die do predigen. c. Inter cetera de offi. ordina.
Das seynd die bischoff die yres ordenliche ampts vergessen / sint
wordt anialta vātris. vii sprechen / kömet vñ last vns schleimen
vnd remmen vnd also fur vnd fur güt leben haben. Lij. 56.

Passional Christi vnd



Christus

Die fűchſi haben yre gruben / vnd die fogell der lufft yre neſter/
Aber d̄ ſon des menschen hat nicht do er ſeyn heubt legte. Lu. 9.
Dieſer ab er woll reich war / dennoch vmb vnſer willen iſt er
arm worden / vnd ſeyn armut hat vns reich gemacht. z. Cor. 8.

Antichristi.



Wir lösen auff alle eyde die die geyslichen zu gefengt nis gelob
bet haben vnnnd gebieten das mann nit allein mit geyslichem/
sonder auch mit dem weltlichem schwerdt. Ir gütter bes
schutzen soll so lang biß das sie yr erwandt güt widder haben
15. q. 6. c. Auctouitate vñ 8 ynn dießem krieck stirbt adir vor
dirbt wirdt erlangen das ewig leben 23. q. 5. c. om et q. 8.
c. omni das heyst heyns guts gewiß sein das mans ouch vor
güt acht ab schön Chrustenn blüt doruber vorgossen wirdt.

Passional Christi und



Christus.

Sich an/ dein konigk kompt dir demütigt vff einem iungen esel
Mathei 21. Also ist Christus kommen reyttende vff ein fremb/
den esel arm vnd sanfftmutigt vnd reydt nicht zu regiren son/
der vns allen zu eynem seligen todte Johannis 12.

Antichristi.



Antichristi.

Die geystlichen seindt alle konnige vnd das berzeygt die platten
vff in kopffe. duo 12. q. 1.

Der Bapst magt gleich wie der keysser reytten vnd der keyser ist
seyn thrabant vff das bischofflicher wirdt gehalten nicht gemin
dert w. rde. c. Constantinus. 96. dis.

Der Bapst ist allen volckern vñ reychen vorgesagt er. v. ag. sur
gentes. Johannis 22.

Passional Christi und



Christus

Ir solt nicht haben golt nach silber/nicht gelt an ewirn gorteln
Eyne taschen ouch nit zwen röß noch schuch nach eyn wans
berstab. Math. 10.

Sancet Peter sagt/ Ich habe wyder golt nach silber act. 3
Vbi ist dan Patrimonium Petri?



Antichristus

Keyn Bischoff sall vff eyn gering vnd kleyne stadt geweyet werden / sondern zu eynem erlichen titell gefaszt vnd hoch ge-
ehret seyn. 80. dist. c. Episcopi.

Wir ordnen das keyne weyhung ane gnugliche vorsohung
kressfrig sey. 70. dist. sanctorum.

Passional Christi und



Christus.

Das reich gots ist nit yn ewsserlichen geberden / sie hie / aber do
ist Chustus / besonder das reich gots ist innerlich in euch. Luc.
17. Warumb habe ir das gebort gots vbirereten vō mensche
gesez wegem / Alle ehren mich vorgeblich / die do menschen kere
vnd gebott halten. Mat. 15. Esai. 21.



Des Antichrists reich ist ganglich in eroserlichem wesen/
 was sagt des Papssts recht anders den ordnung/ von kasseln/
 cleydern/ Plattē/ feyertagē/ weyungē/ pfreunden/ sectē/ monchen
 vnd paffen/ vñ nennen sich/ yr habe vnd gutter geyslich gutt/
 sich allein die Chrißlich kirche / die paffen dz außewelt volck
 gots/ gleich sam weren die leyen nicht in der kirchen vnd gots/
 widder alle schuffe/ vbir das verbeut er die speyse/ ehe/ wie dan
 Paulus vorgesagt hat. Es werden kōmen vollogne geyst/ vnd
 solche ding vorbieten. 1. Timo. 4.

Passional Christi und



Er hat funden ym tēpel vorkauffen / schaff / ochsen vñ tauwen
vñ wechler sitzen / vñ hat gleich eyn geysel gemacht vñ strickē
alle schaff / ochsen / taubē vñ wechler außem tempell trieben /
das gelt verschüt / die zall briedt vnkart vñ zu den die tauwen
vorkauffen gesprochen. Hebt euch hin mit diesen auß meins
vatern hauß solt ir nit ein kauffhaus machē. Joh. 2. Ir habes
vmb sunst / darāb gebets vmb sunst. Mat. 10. Dein gelt sey mit
dir yn vordammus. Act. 8



Sie sitz der Antichrist ym tēpell gots vnd erzeygt sich als got
 wie Paulus verkundet. z. Tessel. z. vorandert alle gotlich ord-
 nung / wie Daniel sagt / vnnnd vnterdrückt die heylig schryfft/
 verkufft dispensacion / Abblas / Pallia / Bisthum / Leben / erhebt
 die scherz der erden / löst auff die ehe / beschwerdt die gewissen mit
 seynen gesetzen / macht recht / vnnnd vmb gelt zureyft er das/
 Erhebt heyligen / benedeyet vñ maledeyet vns vierde geschlecht
 vnd gebewt sein stym zu hören / gleych wie gots stym. c. sic ois.
 dist. 19. vnd niemants soll ym cynreden. 17. q. 4. c. Nemin.

Passional Christi vnd



In yren ansehen ist er auffgehoben vnd die wolcken haben ym
hinwegt genomenn vß yren ougen. Difer Jesus der von euch
yn himmel auffgenommen ist/ wüdt also wyder kommen wie
yr ynn gesehen habt zu himmel sharen. Act. 1. Seyn reich hat
beyn ende Luce. 1. Wer do mit diene der wird mit nach volgen
vñ wu ich bin do wirt meyn diener ouch seyn Johā. 12.



Es ist ergriffen die Bestia vñ mit yr 8 falschprophet der durch
 sie zeychen than hat/do mit er vorfurdet hat/die so seyn zeyche
 von ym genommen / vnd sein bilde angebet seynt versencket yn
 die teuffe des ferwirs vnd schwessels vnd seynd getodt mit dem
 schwerdt des der do reydt vffim weyssen pferdt/ das auß seyne
 manel gehet. Apocal: 19. Danne wirdt offenbar werden der
 schalckhaffige denn wirdt der heri Jesus toeten mit dem atem
 seyns mundes vnd wirdt yn sturzen durch die glou seyner zu
 kunfft. z. ad Tessa .z.

¶ Sint eyn iglich schandt buch/vnd famosus libellus nit mag
genende werden/es begreyffe dan yn sich schandelich laster vnd
vnthate/so ist offentlich / dz ditz buchle nit mag vor ein schäd
buch gehalten werde/nach durch die gebot so widder die schäd
schuffte auß gangen / vorbotten sein/ dieweyl alles das hinnen
sieht/ yn dem Bepflichen geystliche rechte/ nit allein als zim
lich dingt / sonder auch als gesetze zubefinden / vnnnd ist vor
nemlich außzügen/ alleine des geystlichen/ fleyschlichen rechts
grundt yn cyner summe vnnnd kurglich anzuzeygen gemeynem
nuz der Christenheyt forderlich zu gutte.

¶ Nembt also vor gutt/
Es wirt baldt besser werden.

Handwritten flourishes or signatures in black ink, consisting of two large, ornate, swirling letters, possibly 'M' and 'S', with elaborate loops and flourishes.